

|            |  |             |                     |
|------------|--|-------------|---------------------|
| Headline   | 16 pemain berlatih di Man United Soccer School |             |                     |
| MediaTitle | Berita Harian                                  |             |                     |
| Date       | 07 Apr 2014                                    | Color       | Full Color          |
| Section    | Sukan  | Circulation | 138,805             |
| Page No    | 50   | Readership  | 1,048,000           |
| Language   | Malay  | ArticleSize | 180 cm <sup>2</sup> |
| Journalist | N/A  | AdValue     | RM 6,071            |
| Frequency  | Daily  | PR Value    | RM 18,213           |



# 16 pemain berlatih di Man United Soccer School

**Kuala Lumpur:** Seramai 16 daripada 180 pemain mewakili 10 pasukan pada grand finals Kejohanan Bola Sepak Piala Mamee 1Malaysia B-19 dipilih menjalani latihan di Manchester United Soccer School (MUSS), Old Trafford, England, bermula dari 2 hingga 11 Mei ini.

Mereka ialah Alias Helmi Ibrahim dan Muhammad Alif Asyraf Muliadi dari Majlis Sukan Negeri Terengganu (MSNT); Alif Afham Mustakim Abdul Hisham, Datu Mohd Armin Datu Muhammad dan Muhammad Ashar Al-Aafiz dari pasukan remaja Persatuan Bola Sepak Negeri Pahang (PBNP); Durrkeswaran Ganasan dan Kannan Suppiah dari Masjid Tanah FC; Kalaselvaan Govindersamy dan Kesavan Loghanatham dari Persatuan India Selangor.

Turut dipilih Rahman Shah Marajeh, Zulhafiz Abdul Mahal dan Muhammad Yusuf Akma Mohd Nawi dari daerah Tawau; Muhammad Azeem Azhar dari Universiti Teknologi Mara (UiTM) Perlis; Muhammad Kamil Ismail dari Sekolah Menengah Kebangsaan Seri Kota;

Muhammad Nursyazwan Zaihan dari Kelab Bola Sepak Presint 8, Putrajaya dan Nazarudin Bohri dari Axis FC.

## Berlatih lima hari di MUSS

Ketua Pegawai Eksekutif, Yayasan Rakyat 1Malaysia (YR1M), Ung Su Ling (**gambar**), berkata semua pemain itu akan menjalani latihan selama lima hari di MUSS selain sesi jelajah di Muzium Old Trafford dan Stadium Bola Sepak Manchester sebagai pendedahan awal.

"Mereka akan dibentuk sebagai sebuah pasukan yang diberi nama Pasukan Bola Sepak 1Malaysia 2014. Mereka akan diberi latihan mengenai teknikal, taktikal, kekuatan fizikal dan mental untuk menjadi sebuah pasukan yang kuat.

"Saya harap dengan cara ini dapat menunaikan impian mereka untuk melangkah lebih jauh dalam sukan bola sepak, selain dapat melahirkan pemain berpotensi untuk negara pada masa hadapan," katanya semalam.

Sementara itu, Ketua Pegawai Eksekutif Mamee-Double Decker (M) Sdn Bhd, Datuk Wira Pang Tee Chew, berkata pemilihan 16 pemain terbabit akan memberikan pengalaman berharga buat mereka.

Kejohanan anjuran YR1M dengan kerjasama Mamee Double Decker (M) Sdn Bhd dan Manchester United itu diadakan sejak November tahun lalu disertai 1,440 peserta membabitkan lima zon iaitu Timur, Selatan, Tengah, Malaysia Timur dan Utara. -

**Oleh Mohd Khairie Khalid**

|                   |   |                    |                           |
|-------------------|---|--------------------|---------------------------|
| <b>Headline</b>   | <b>16 pemain berlatih di Man United Soccer School</b> |                    |                           |
| <b>MediaTitle</b> | <b>Berita Harian</b>                                  |                    |                           |
| <b>Date</b>       | <b>07 Apr 2014</b>                                    | <b>Color</b>       | <b>Full Color</b>         |
| <b>Section</b>    | <b>Sukan</b>  | <b>Circulation</b> | <b>138,805</b>            |
| <b>Page No</b>    | <b>50</b>   | <b>Readership</b>  | <b>1,048,000</b>          |
| <b>Language</b>   | <b>Malay</b>  | <b>ArticleSize</b> | <b>180 cm<sup>2</sup></b> |
| <b>Journalist</b> | <b>N/A</b>  | <b>AdValue</b>     | <b>RM 6,071</b>           |
| <b>Frequency</b>  | <b>Daily</b>  | <b>PR Value</b>    | <b>RM 18,213</b>          |

